

مطبعه و محل اداره :

جمال اوغلنده امنيت
صندوغى جوارنده
شنكول يقوشنده
۲۵ نومرو

مشرق و غرب

۱۳۲۶

مسلکمه موافق آثار
جدیده مع المنونبه
قبول اولنور

درج ایدلهین آثار اعاده اولنماز

دیر ، فلسفه ، علوم ، حقوق ، ادبیات تاریخ ، سیاست و احوال و مشوره اسلامیه بحث ایدر و هفته ده بر نشر اولنور .

آبونه بدلی

صاحب و مؤسسلری :

در سعادتده نسخه سی ۵۰ پاره در

ابوالعلا زین العابدین - ح . اشرف ادیب
تاریخ تأسیسی

قیرله دن مقوا بورو ایله کوندریلیرسه سنوی
۲۰ غروش فضله آلنیر

۱۰ تموز ۳۲۴

سنه لکی	القی آیلانی	غروش
ممالک عثمانیه ایچون	۶۵	۳۵
روسیه	۶۵	۳۰۵
سائر ممالک اجنبیه	۱۷	۹

آلتیجی جلد

۸ شعبال الماظم ۱۳۲۹ پنجشنبه ۲۱ تموز ۱۳۲۷

عدد : ۱۵۲

صفت خلافت ، انسانك یر یوزنده امر و نهیه قادر ، مالك و متصرف اولملری ، سلطنت و قدرت لرینی بالفعل کو سترمه لری لزومنی مفید و مشعر و آشنایان لغت و تفسیر بو حالی مدرک و مقر ایکن وظیفه انسانیه ده قصور ایتمکده تمامیزی نه ایچون زه اخطار ، و نتیجه نك یعنی وظیفه بی سوء استعمالك جزاسی غایت آغیر و عموماً تحمل کگذار اولدینی افاده الله انذار خصوصه تهالك واستعجال کو سترلیور ؟

حکمت خلقتله ممزوج وصف اصلیمزدن اکلشلا دینی اوزرمانسان ای بر فعلی آخردن طلب ایده بيلمك صورتيله امر و فنا ایشی یا مقصدن منع ایتمکله نهی وظیفه سنی ایفا و عدالت سبحانیه بی تمثیل و ایفا لازم کلدیکی و بونك ایچون بر جوق اسباب و وسائطه محتاج بولون دینی حالده نهدن اسباب ظاهره و مادیه سنه تشبث لزومی (هر شخصه کلايه بيله چکی لسانله اکلادلق) جهتی حقیقه التزام ایدلیور ؟

تعریف و ایضا حدن مستغنیدرکه بر کسه نك دیکرینه برایشی یا مقچ ایچون امری انك اوزرنده بر رجحان و تفوق صاحب اولمسنه و امرینی اجرا ایتدیکی حالده مخاطبنی سرفرو ایتدیره چك بر قوته مالك بولونمسنه متوقفدر .

بر شخصه آمریت اقتداری فصل قوته محتاج ايسه بر قومده ، بر ملتده ، بر حکومتده دخی دیکرینه سوزینی کچیرمك و دیدیکی یا دیرمق و یا مخاطبندن قورقماق ایچون قوته وانك لوازم ایتدائه و مواد اصلیه سنه مالکیت شرطدر .

زمان ، عصر دیکشدیکه قوتلرک اسباب و وسائلی دخی تبدل و تعدادی غیر قابل درجه ده و تنوع دیکتر ایتمش و ماضی به ارجاع نظر ایدرسه زما نده کی اسباب وقایه و مدافعه دائماً انقلابه معروض قالمش و بوندنبویه دخی علی الدوام و بلکه سابقندن دهها سرعتلی ، بیلیمه ین قالبله کیره چکی شبهه دن آزاده بولمشددر .

حال بویه ایکن بز عالم اسلام عقلا و علمانی نه حالده یز . و فصل دوشونمکده و خط حرکت عامه یی نه یولده چیزمکده یز .

بروسه مبعوثی

بشکطاش

عمر فوزی

معنایات عسکریه درس لرندنه بر بایراره :

نفر « فهمیم »

اوچیوز یکرمی درت سنه سی روم ایلینك بر کوینه خائن بر چته اشقیا ، صوقولمش ایدی . عسکرلر ، ژاندارمه لر او کوی صارمغه ؛ قویولمش ایدی . ژاندارمه سواری نفرلرندن - فیلورینه لی فهمیم ؛ - طولو دیزکین بوخبری قوماندانه ؛ کتیرمش ایدی . قومانداندن ضابطنه امر آلان فهمیم ؛ ینه عینی خیزله او کویه ؛ دوشمش ایدی . فهمیم ضابطنی آرایور ، مستعجل امری تبلیغ ایچون عجله ایدیلوردی . فهمیم کویه طالمش ایدی ؛ یوکسك سسله ضابطنی صوریور ، حیواتی متصل سوریلوردی . آ بلوقه خطندن یوکسلن بر سس ؛ فهمیمه :

« ضابط اوته کی یوزده ، آرقه دن طولاش ، بورادن ایلریله مه ، اوریلور سین ! » دیوردی . فهمیم بو تکلیفی نفسی ایچون آغیر بولور ، طولاشمه بی ایفای وظیفه ایچون اوزون کوریلوردی . فهمیم آتک باشنی جویرمك ، کیفی قیرمق ، خیزی کسمك ؛ ایسته مدی . « دگر بوقدر احتیاط ؛ رجعته ! » دیدی . قوجه فهمیم طورینی بوزمدی . کمدیرمه یولدن سوردی ، کیدی یوردی . اشقیانك متحصن اولدینی بنسار اوکندن فهمیم بو کیفله ؛ کچی یوردی . اورادن یاغان قورشونلر ؛ صانکه فهمیمک مردلکنه حیران ؛ سلاملا یوردی . هر شینك کوتوسی کچی بو قورشونلر کده بر کوتوسی ؛ قهرمان سواری به حرمتسزلک ایتمش ، فهمیمه و آل اتنه یامان یرلرندن دکش ایدی . حیوانك بو وارلنه سی فهمیمک مقدس سلاحنی ده الندن دوشورمش ایدی . فهمیم ؛ بو یاره لی آرسلا نی ؛ آرقداش لری قوشوب قامش لار اوموزده طاشیمش لار ، ضابطنك قوجاغنه یا تیرمش لرایدی . ضابط فهمیمک یاره سنی صار دیرمق ، فهمیمی اوقشامق ایستیوردی . هیات که فهمیم ممانعت ایدیلور « سلاحم ، ناموسم ! » دیه جری ییلوردی . اوت فهمیم یاره سنی صار دیرمیور « سلاحی بولما دقچه یاشام » دییلوردی . فوشمق ، آرامق ، قیریق باجاغیله هجوم ایتک ایستیوردی . ضابطی فهمیمه : « سلاح چوق ، ایشته آل بر بشقه سنی ! » دییلوردی . فهمیمی تسکینه چالیشیور فقط فهمیم بو سوزدن دخی متأثر اولیلوردی . برقاج دقیقه صوکره ایدی که فهمیمک فداکار ، وفاکار ارقداش لری ، او عینی حسك اورتاقلری ؛ جوشمش لار ؛ ینه او قورشون یغمور لری آلتندن فهمیمک سلاحنی ده قورتارمش لار ؛ کتیری ییلور لردی . نه مؤثر منظره ! نه خوش مزده ! فهمیم سلاحنی کوردی ، کوکلی ، روحی فرح لره طولدی : فهمیم طیانمه مدی . قیامه اوغراشدی ، سلاحنه قارشنی قوشمغه چالیشدی . فقط باجانی یاردیم ایتمه دی . فهمیم ؛ یره دوشمشدی ؛ لکن بو سفر املنه قاووشمش ، سلاحنه صار یلمش ، یره اولیه قانامشدی . فهمیم متصل حمد ایدیلور ، سلاحنك دیکچیکنه یوره کنی دایامش ، طوغراسنی دوداقلرینه یناشدیرمش حال استغراقه طالمش ، کوزینی یومش اوپیور ، اوپیور . « اووخ یاربی . . . سلاحم ! » دییلوردی ؛ چونکه فهمیم ؛ دولتك سلاحنی ، ملتك معزز ناموسی بیلور وکندی حیاتی آنك بك آلتنده کوریلوردی .

فهمیم ، عسکر انسان ؛ بر قاج کون صکره وقت ساعتی کلش کوچدی . بو یالانچی دنیادن ، بوامتخان یرندن عالم علیایه یوکسلدی . کیتدی . فقط سلاحنه ناموسنه صاریلی ؛ بر مراد اوله رق اوچدی کیتدی . یر یوزنده باباسنه ، قرداشنه ، اردوسنه ، ملتته شانلر عبرت لر صاچارق نوردن اثرلر ، شرفدن میراثلر براقرق پرواز ایتدی کیتدی . قابنه صیغیان فهمیم ، سقط ، معطل قالبنی بویه جه چابوق سیلکدی ، روح مبارکی حدودلرده سلاح آرقداش لرینه یاردمه ، رفاقت و شفاعته سفر ایتدی ، کیتدی . اوراده ابدی نوبتیلک لار ، دوریه لر ایفاییدن شهدا روح لرله برلشه چك ، فهمیم آرتق امل لرینی دهها یوکسکلرده ، دها کینیشلکلرده ، حدودلر باشنده ، اردولر اوکنده ایفا ایده چکدی .

ایدیان محسنات وفائده درجه مطلوب و مقتضیه دن پاك دون بر مرتبه ده اولدینی تحقق ایلدیکی تقدیرده هر حالده بر آن اول بونلرك اصلاحنه چالیشمق عاجز لری ایچون ناقابل ترك واهال بر وظیفه دینه و ملیه اولدیغنه قناعت کامله من حاصل اولمقده در .

حالبوکه بونلرك مخصصاتی شمیدیکی حال اسف اشتغالرینه کوره اداره سیچون بیله کافی دکلدر .

ایشته بو بابده کی اسباب معروضه و محقه دنطولای و ارداتی دون و مصارفی افزون ازهر جهت جالب نظر دقت اولان بر مشکلات عظیمه ایچنده بولنیورز .

زیرا سنه بسنه اوقاف و معارف مرکز اداره سنك آجینی تظاهر ایدیور . شمیدی ایسه بو آجینی قیامق و بودجده توازن استحصال ایتك ایچون یا اوقاف و معارف اداره سنك و ارداتی تکثیره چالیشمق و یا خودکده تنقیص مصارف یولنی استلزام ایتك مجبوریدر . عکس تقدیرده مرکز اداره بی افلاس کی بر ورطیه سوق ایتکدن بشقه بر شی دکلدر . زمین و زمان نظر اعتباره آلدینی تقدیرده مصارفاتك تنقیصی ممکن اوله میوب و ارداتك ترییدینه همت ایسه بزم ایچون فريضه ذمتدر . ایشته بو نقطه نظر دن اداره و قفیه سنجه تبعات و تدقیقات لازمه اجرا ایدلمشده اها لیمزك فقر و ضرورتی نظرا اعتباره آلدینی تقدیرده اوقاف و معارف ایچون یوزده اون نسبتنده کی ضایعیدن فضله بر طاقم مطالبده بولنق تکلیف مالا یطاق قیلندن بر شی اوله جغنی و خا کپای مراجع اکتناه ولی النعم افخمیلرینه برای استفتا عرض و تقدیم اولنان اصولدن بشقه بر وجهله اوقاف و معارف و ارداتی تریید ایتك ممکن اوله مدینی اوقاف و معارف مجلس کیرنجه قناعت کامله سی حاصل اولمشدر . اقدیمزی تعجیزه زی سوق و اجبار ایدن معروضات کترانه لرندن مستبان بیوریله جغنی و جهله زیرده مسئله شکلنده کوستریلن اصولدن استفاده من تجویز بیورلدینی تقدیرده اوقاف و معارف اسلامیه عائد اولان مقامات مقدسه و مبروره نك شان جلیل اسلامیه موافق بر صورتده اداره سی تأمین ایدیله جك و بزم ایچون هر حالده لازم و مقتضی اولان مکاتب و مدارسك اصلاحنه بر امکان استحصال ایدلمش اوله جقدر . بوکون مکاتب موجوده مزك مقدارندن فضله اوله رقی لاقول یوز الی مکتبه اشد احتیاجز و اردر . مکاتب و مدارس مزه عائد اولان مخصصات ایسه مکاتب و مدارس موجوده مزه کافی کله مدیکسندن ماعدا بونلرك ایچنده استخدام اولنان معلمین و مدرسین فقدان معاشرندن طولای ترك وظائفه بزی تهدید ایدیور . شو حال اسف اشتغالدن تخلیص کریبان ایتك ایچون زیرده کی مسائلده عرض و بیان اولنان اصولدن بشقه بر مخصصاتك تدارك و تأمین ممکن اوله مدینی تقدیرده مکاتب موجوده مزك تنقیصی انتاج و مؤدی اوله جغنی بی اشتباهدر .

خدا نکرده بو حالک و قوعی بزم ایچون نقدر تهلکلی اولدینی عرض و بیاندن مستغیدر . ایشته بروجه بالا عرض و بیان اولنان و حقایق مسلمه دن معدود اولان معروضات عیدانه لرینی نظر اعتباره

ایشته فهمیم بو ناموسکار ملتک بویله بر مسلح فردی ایدی . فاتحه لر . بشیده لر روحک سنك ای وطنك دائمی محافظی . استبدال قبول ایتمز عسکری ، اردوگاهلر ایشینی ، غزالر رهبری ، قوجه فهم !

عمر فوزی

باب معالی مشیختپناهی به

دولتو سماحتلو اقدم حضرتلری

امور مهمه شرعیه و خصوصات لازمه دینه ده خلیفه روی زمین و حامی دین مبین اقدیمز حضرتلرینك وکیل بیعدیلی و بالجمله مسائل دینه و مهمام امور شرعیه متعلق مشکلاتك حل و فصلنه مخصوص كافة مؤمنین و موحدینك الذبیوك و اك علوی بر مرجع جلیلی اولان باب مراجع مآب فتوا پناهی به مراجعت عاجزینك منافع عمومیه بی جلب و مضرت محض و محقه بی دفع کی بر طاقم ضرورتك سوق و الجا آندن حصوله کلدیکی عرض و بیانیله خا کپای معالی اکتناه ولی النعم افخمیلرینه برای استفتا عرض و تقدیمه اجتناسار اولنان مسائلك تشریح و بیانه شروع ایتزدن اول محضا اقدیمزك نظر دقت حقایق و روانه لرینی جلب ایتك مقصد خیر مرصیده سبب تعجیز و مراجعت عاجزی اولان کیفیتك تشریح و بیانه لزوم کورلمش و بروجه آتی دخی ابتدار ایدلمشدر .

معلوم معالیمزوم فقا هتپناهی لری اولدینی اوزره بر ملتك دو عالمده سعادت و سلامتی تأمین ایدن وعده ذمتنه مترتب اولان وظائفك اهم و اقدس دین مبین محمدینك امر ایتدیکی وجهله مقامات مبروره و مقدسه نك شان جلیل اسلامیه موافق بر صورتده رهبر نجات و استقبالی لری اوله جق شبان وطنك دینی اخلاقی مدنی تربیه سنه اعتنا و دقت ایتك کی خصوصات لازمه و مهمه دن عبارتدر .

بو وظائف دینه و ملیه نك احسن طریق اوزره جریاتی تأمین ایتك ایچون بونك مابه البقاسی اولان وسائطك تأمین و استحصالنه اعتنا و غیرته متوقفدر . فی الواقع بوکون مملکتده زده بولنان بالجمله جوامع و تکایا مکاتب و مدارس اسلامیه نك لوازمات ضروریه سی اوقاف جلیله اسلامیه و ارداتندن و عموم و یرکی اوزرینه یوزده اون نسبتنده اجرا ایدیان ضایم ایله حکومت طرفندن و یریلان و اسلاملرك مقدار نفوسی نسبتنده حصه لرینه اصابت ایدن اعاناتدن تأدیه و تدارك اولمقده در . بو بابده کی مخصصات زمین و زمان نظر اعتباره آلدینی تقدیرده شو مقامات مقدسه و عالیه نك شان جلیل اسلامیه موافق بر صورتده کی اداره سنه کافی اوله میوب اوقاف و معارف مرکز اداره سیچون بیک درلو مشکلاتی مؤدی و موجب اولمقده ماعدا شو زمان اخیر دنبری لزومی درکار اولان مکاتب و مدارس اسلامیه نك اصلا حاتندن دخی بزی منع ایلیمکده در . باخصوص مملکتتمیزی سراپا استیلا ایدن و بالجمله دورینان حقایق شناسمزك نظر دقتی جلبه بادی اولان جهالتك ازاله سی ضامننده مکاتب و مدارس مزدن انتظار